

ხელშეკრულება სახელმწიფო შესყიდვის შესახებ N2.9.19/30/045

ქ. თბილისი

28 ივნისი 2021 წელი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - დავით კირკიტაძის სახით და, მეორეს მხრივ, შპს „ჯეაპეიზაჟგეორგია“, საიდენტიფიკაციო კოდი: 445548854, მისამართი: ქ. ბათუმი, რურუას ქუჩა, №1, ბინა 2 (შემდგომში „მიმწოდებელი“), წარმოდგენილი დირექტორის მინდობილი პირის გოგიტა ფალავას სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია - ქ. თბილისის მუნიციპალიტეტის მთაწმინდის რაიონში ხე-მცენარეების ნერგებისა და ბუჩქების (დარგვისა და მოვლის თანმდევი მომსახურებით) შესყიდვა, რომელიც განსაზღვრულია მიმწოდებლის მიერ წარმოდგენილი ხარჯთაღრიცხვით და სატენდერო დოკუმენტაციით განსაზღვრული PDF ფაილებით თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება – ელექტრონული ტენდერი აუქციონის გარეშე.

2.3 ელექტრონული ტენდერის განცხადების ნომერი: NAT210010596.

2.4 ხელშეკრულების ღირებულება შეადგენს 75924.00 (სამოცდათხუთმეტიათასცხრაასოცდაოთხი) ლარს, ყველა გადასახადის ჩათვლით.

2.5 კლასიფიკატორის კოდი - 03400000 - მეტყევეობისა და ტყეკაფვის პროდუქტები.

2.6 ხელშეკრულება ძალაში შედის გაფორმებისთანავე და მოქმედებს 2022 წლის 31 იანვრის ჩათვლით.

3. შესყიდვის ობიექტის მიწოდების პირობები

3.1 შესყიდვის ობიექტის მიწოდების ვადა: შესყიდვის ობიექტის მიწოდება (თანმდევი მომსახურებით: დარგვა, მოვლა-პატრონობა) უნდა განხორციელდეს ხელშეკრულების გაფორმებიდან 2021 წლის 21 დეკემბრის ჩათვლით, ეტაპობრივად, შემსყიდველის დავალებით განსაზღვრულ ვადაში, მათ შორის:

3.1.1 მცენარეების მიწოდება (თანმდევი მომსახურებით: დარგვა) უნდა მოხდეს ეტაპობრივად, შემსყიდველის დავალებით განსაზღვრულ ვადაში, ხელშეკრულების გაფორმებიდან 2021 წლის 21 დეკემბრის ჩათვლით;

3.1.2 დარგული მცენარეების მოვლა-პატრონობა უნდა განხორციელდეს 2021 წლის 21 დეკემბრის ჩათვლით.

3.2 მიწოდების ადგილი – ქ. თბილისი, მთაწმინდის რაიონის ტერიტორია, შემსყიდველის დავალებით განსაზღვრული ადგილ(ებ)ი. მიმწოდებელს გასამწვანებლად დასარგავი მერქნიანი მცენარეების რაოდენობა და გასაწევი მომსახურების (დარგვა, მოვლა-პატრონობა) კონკრეტული ადგილ(ებ)ი გადაეცემა ეტაპობრივად;

3.3 ნერგი მიწოდებულ უნდა იქნას კონტეინერით (ქოთნით) ან კომით. კომს შემოხვეული უნდა ქონდეს ჯვალის ნაჭერი და სპეციალური მავთულბადე, რომელიც მიწაში იჟანგება და იშლება.

3.4 ფესვთა სისტემა განვითარებული უნდა იყოს ისე, რომ მცენარის ამოღებისას კომი არ იშლებოდეს. ნერგი უნდა იყოს თავგადაუჭრელი (მცენარის წვერო არ უნდა იყოს გადაჭრილი).

3.5 ნერგი გამოზრდილი უნდა იყოს სანერგეში. ხეების შემთხვევაში, მთავარი ღერო უნდა იყოს სწორი ფორმის.

3.6 ნერგის სიმაღლე იანგარიშება მიწის ზედაპირიდან მცენარის წვერომდე.

- 3.7 ხე-მცენარეების ნერგებისა და ბუჩქების დარგვისა და მოვლის თანმდევი მომსახურებისთვის გამოყენებული უნდა იქნეს დანართი N3-ში მოყვანილი აღწერილობის შესაბამისი დამხმარე მასალები.
- 3.8 ხელშეკრულების მოქმედების პერიოდში მიმწოდებელმა უნდა უზრუნველყოს მცენარეების გამართულ მდგომარეობაში ყოფნა (მიბმული ჭიგოზე და გამართული), აგრეთვე დაზიანების ან მოპარვის შემთხვევაში ჭიგოს და მისაბმელის ჩანაცვლება ანალოგიურით.
- 3.9 მიმწოდებელი ვალდებულია ხე-მცენარეებისა და დეკორატიული მცენარეების დარგვისას ორმოს ამოღების შედეგად წარმოქმნილი ნარჩენები გაიტანოს დაუყოვნებლივ თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.
- 3.10 იმ შემთხვევაში, თუ გარემო პირობების ან გაუთვალისწინებელი გარემოებების გამო, შეუძლებელია ადგილზე მიტანილი ნერგების დარგვა, მიმწოდებელმა უნდა უზრუნველყოს ნერგების შენახვა შესაფერისი პირობების დადგომამდე ისეთ პირობებში, რომ არ დაირღვეს მცენარეთა სასიცოცხლო ფუნქცია.
- 3.11 მიმწოდებელი ვალდებულია განახორციელოს ნერგების სისტემატიური მონიტორინგი და დაზიანების ან მოპარვის შემთხვევაში დაუყოვნებლივ აცნობოს შემსყიდველს და შესაბამის სამსახურებს.
- 3.12 მიმწოდებელი ვალდებულია უზრუნველყოს მცენარის დარგვისას დანართი N4-ს შესაბამისი ნოყიერი ნაზავით ორმოს შევსება.
- 3.13 მიმწოდებელი ვალდებულია ობიექტზე მომუშავე პერსონალი უზრუნველყოს დანართი N5-ს შესაბამისი სპეც.ტანსაცმლით, რომელსაც უნდა გააჩნდეს ზურგზე წარწერა „გაამწვანე შენი ქალაქი“. პერსონალი აღჭურვილი უნდა იყოს სპეციალური ხელსაწყოებით, ხელთათმანებითა და სხვა აუცილებელი საშუალებებით.

4. შესყიდვის ობიექტის ხარისხი და გარანტია

- 4.1 მიმწოდებელი ვალდებულია, ხელშეკრულებით გათვალისწინებული ყველა დარგული ნერგი უზრუნველყოს 100%-იანი გახარებით ხელშეკრულებით გათვალისწინებული მიწოდების ვადის დასრულებისას, რაზეც ხელშეკრულებით გათვალისწინებული მიწოდების ვადის დასრულებისას მოხდება საბოლოო მიღება-ჩაბარების აქტის გაფორმება.
- 4.2 მოწოდებული ნერგები უნდა შეესაბამებოდეს დანართი N2-ში მოცემულ აღწერილობას;
- 4.3 მიმწოდებელი იღებს ვალდებულებას, რომ შესყიდვის ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.4 ნერგების გახმობის ან/და დაზიანების შემთხვევაში მიმწოდებელი ვალდებულია საკუთარი ხარჯებით დაუყოვნებლივ ან/და შემსყიდველის მოთხოვნიდან არაუგვიანეს 5 სამუშაო დღისა უზრუნველყოს მათი ანალოგიურით ჩანაცვლება.

5. ხელშეკრულების შესრულების კონტროლი (ინსპექტირება)

- 5.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მთაწმინდის რაიონის გამგეობის ინფრასტრუქტურული პროექტების მართვისა და პროექტირების განყოფილების უფროსი - ლევან ვეკუა და უმცროსი სპეციალისტი სალომე გვარამე.
- 5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.
- 5.3 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე. მიღება-ჩაბარების აქტის გაფორმების დროს წარმოდგენილი უნდა იქნეს:

6.1.1 მცენარეების იდენტურობის (სატენდერო დოკუმენტაციის დანართი N2 მიხედვით) (მათ შორის პარამეტრების) დამადასტურებელი დოკუმენტაცია, გაცემული შესაბამისი პროფილის მქონე დარგობრივი სამეცნიერო-კვლევითი დაწესებულების ან სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან საქართველოს ეროვნული ბოტანიკური ბაღის მიერ (მომსახურების ღირებულების ანაზღაურებას მიწოდებელი უზრუნველყოფს საკუთარი ხარჯებით).

6.1.2 მიმწოდებელი ვალდებულია შესყიდვის ობიექტის მიწოდებისას წარმოადგინოს ნერგის წარმოშობის დამადასტურებელი დოკუმენტაცია, რომელიც გაცემული იქნება შესაბამისი სანერგე მეურნეობის მიერ. ნერგის სიმაღლე იანგარიშება მიწის ზედაპირიდან მცენარის წვერომდე. (მომსახურების ღირებულების ანაზღაურებას მიწოდებელი უზრუნველყოფს საკუთარი ხარჯებით).

6.1.3 მიღება-ჩაბარების აქტის ხელმოწერისას მცენარეების 100% უნდა იყოს ჯანსაღი.

6.2 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ ხელშეკრულების მე-5 მუხლის 5.1 პუნქტში მითითებული პირები.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში, გარდა შემთხვევისა, როდესაც მიმწოდებელს დაეკისრება პირგასამტეხლო ხელშეკრულების პირობების დარღვევისათვის. ამ შემთხვევაში, ანგარიშსწორება განხორციელდება მიმწოდებლის მიერ დაკისრებული პირგასამტეხლოს შესაბამის ანგარიშზე გადახდის შემდეგ.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 მიმწოდებელი იღებს ვალდებულებას შესყიდვის ობიექტის (კონკრეტული დავალების) მიწოდების ვადის დარღვევის შემთხვევაში, შემსყიდველს გადაუხადოს პირგასამტეხლო სახელშეკრულებო ღირებულების 0,05%-ს ოდენობით ყოველ ვადაგადაცილებულ დღეზე.

8.3 ხელშეკრულებით ნაკისრი ვალდებულებების არაჯეროვნად შესრულების (გარდა შესრულების ვადის დარღვევისა) შემთხვევაში, მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,5%-ის ოდენობით.

8.4 მიმწოდებლის მიერ ნაკისრი ვალდებულებების შეუსრულებლობის გამო, ხელშეკრულების ცალმხრივად შეწყვეტის შემთხვევაში, მიმწოდებელი დაჯარიმდება ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.5 საჯარიმო სანქციით დაკისრებული თანხა გადახდილი უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.6 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) მიმწოდებლის მიერ შესყიდვის ობიექტის (კონკრეტული დავალების) მიწოდების ვადის 5 (ხუთი) კალენდარულ დღეზე მეტი ვადით გადაცილების შემთხვევაში.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევებში.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. უსაფრთხოება და გარემოს დაცვა

11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

11.4 მიმწოდებელი ვალდებულია სამუშაოები შეასრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

13. ღირებულების შეცვლის პირობები

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე და ხელმოწერილია ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

17. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის
მთაწმინდის რაიონის გამგეობა
ს/კოდი: 204521954
მის: ქ.თბილისი, ძმ. ზუბალაშვილების ქ.
N20.
ხაზინის ერთიანი ანგარიში
სახელმწიფო ხაზინა
ბანკის კოდი TRESGE22

მიმწოდებელი:

შპს „ჯეაპეიზაუგეორგია“,
საიდენტიფიკაციო კოდი: 445548854,
მის: ქ. ბათუმი, რურუას ქუჩა, №1, ბინა 2
სს „საქართველოს ბანკი“
ა/ა N GE16BG0000000131351617
ბანკის კოდი BAGAGE22

დავით კირკიტაძე

გოგიტა ფალავა

ქალაქ თბილისის მუნიციპალიტეტის მთაწმინდის რაიონში გამწვანებულ ტერიტორიებზე ხე-მცენარეების
ნერგებისა და ბუჩქების (დარგვისა და მოვლის თანმდევი მომსახურებით) შესყიდვის ხარჯთაღრიცხვა

N	დასახელება	არანაკლებ CLT	გარშემოწერილობა არანაკლებ Circ სმ.	სიმაღლე არანაკლებ (მ)	ზომის ერთეული	ფართობი/ მოცულობა	მომსახურების ჯერადობა	ერთეულის ფასი	ღირებულება
1	2	3	4	5	6	7	8	9	10
	თავი I -ნერგები								
1	ალმოსავლოური ჭადარი („Platanus orientalis“) - სიმაღლე არანაკლებ 4.0 მ.; მთავარი ღერო სწორი ფორმის; ვარჯის დიამეტრი არანაკლებ 0.7 მ; ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.80 მ სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც უნდა იყოს ყველა მხრიდან სიმეტრიულად განვითარებული. ფესვის ყელიდან 1 მ სიმაღლეზე გარშემოწერილობა არანაკლებ 0.2 მ (იხილეთ დანართი N2)	CLT - 110	20	4.0	ც	15	X	740.00	11100.00
2	ამბრის ხე („Liquidambar styraciflua“) - სიმაღლე არანაკლებ 3.5მ.; მთავარი ღერო სწორი ფორმის. ღეროს გარშემოწერილობა (circ) არანაკლებ 0.2 მ. ფესვის ყელიდან 1 მ. სიმაღლეზე. ვარჯის დიამეტრი არანაკლებ 0.7 მ. ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.5 მ. სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული. (იხილეთ დანართი N2)	CLT - 90	20	3.5	ც	15	X	600.00	9000.00
3	უნგრული ცაცხვი („Tilia tomentosa „brabant“ “) - სიმაღლე არანაკლებ 3.5 მ.; მთავარი ღერო სწორი ფორმის; ღეროს გარშემოწერილობა (circ) არანაკლებ 0.2 მ. ფესვის ყელიდან 1 მ. სიმაღლეზე; ვარჯის დიამეტრი არანაკლებ 0.7 მ; ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.8 მ. სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული. (იხილეთ დანართი N2)	CLT - 90	20	3.5	ც	15	X	600.00	9000.00

1	2	3	4	5	6	7	8	9	10
4	ნეკერჩხალი (ლეკა) კულტივარი 'Crimson King' („Acer platanoides 'Crimson King“) - შტამბის სიმაღლე არანაკლებ 1.80 მ., ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული. ფესვის ყელიდან 1მ სიმაღლეზე გარშემოწერილობა არანაკლებ 0.2 მ (იხილეთ დანართი N2)	CLT - 110	20	3.0	ც	15	X	800.00	12000.00
5	მინდვრის ნეკერჩხალი („Acer campestre“) - სიმაღლე არანაკლებ 3.5 მ.; მთავარი ღერო სწორი ფორმის. ღეროს გარშემოწერილობა (circ) არანაკლებ 0.2 მ ფესვის ყელიდან 1მ სიმაღლეზე. ვარჯის დიამეტრის არანაკლებ 0.7 მ. ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.80 მ სიმაღლეზე. ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული (იხილეთ დანართი N2)	CLT - 90	20	4	ც	15	X	800.00	12000.00
6	ბურთის ფორმის იაპონური კვიდო („Ligustrum texanum japonicum - (ball)“) - ყველა მხრიდან სიმეტრიულად განვითარებული. (იხილეთ დანართი N2)	clt - 70	X	1	ც	10	X	200.00	2000.00
7	ბურთის ფორმის მარადმწვანე ძახველი (Viburnum tinus) - ყველა მხრიდან სიმეტრიულად განვითარებული. არანაკლებ clt - 70	clt - 70	X	1.5	ც	10	X	200.00	2000.00
	I თავის ჯამი								57100.00
	თავი II - დარგული მცენარეების მოვლა-პატრონობა								
8	საჭიროებისამებრ სარწყავი ჯამების მოწყობა, ნიადაგის შემობარვა-გაფხვიერება, გასუფთავება სარეველებისა და თვითამონაყარი მცენარეებისაგან (საჭიროებისამებრ სარწყავი თხრილის მოწყობა)	X	X	X	ც	95	8	5.00	3800.00
9	ორგანული სასუქის შეძენა (დამწვარი ნაკელი)	X	X	X	კბ.	15	1	7.00	105.00
10	ორგანული სასუქის შეტანა (1ც-ზე მინ. 0,15კგ.)	X	X	X	ც.	95	1	9.00	855.00
11	მინერალური სასუქის შეძენა (ნიტროამოფოსი-16-16-16 ან მისი ანალოგი)	X	X	X	კბ.	15	1	10.00	150.00
12	მინერალური სასუქის შეტანა (1ც-ზე მინ. 0,15კგ.)	X	X	X	ც.	95	1	12.00	1140.00
13	მცენარეების შეწამვლა დაავადების აცილების მიზნით (შესაბამისი პრეპარატების ღირებულების გათვალისწინებით)	X	X	X	ც.	95	2	12.00	2280.00
14	ახალგაზრდა მცენარის მორწყვა (მირზე მინ 40 ლიტრი) მიმწოდებელმა უნდა უზრუნველყოს მორწყვა წყალმზიდით ან/და სხვა ალტერნატიული საშუალებით	X	X	X	ც.	95	20	2.00	3800.00

1	2	3	4	5	6	7	8	9	10
15	მცენარის დასამაგრებელი ხის ჭიგო. ჭიგოს სიმაღლე არანაკლებ 2 მ; დიამეტრი არანაკლებ 6 სმ, სწორი ფორმის (დაზუმფარებული). დიამეტრი იანგარიშება ჭიგოს იმ ნაწილში, სადაც ყველაზე წვრილია (იხილეთ ნიმუში (დამხმარე მასალები) თანდართულ PDF ფაილში)	X	X	X	ც	150	1	15.00	2250.00
16	კანაფის თოკი (დ=მინ. 8 მმ) (იხილეთ ნიმუში (დამხმარე მასალები) თანდართულ PDF ფაილში)	X	X	X	მ	150	1	4.00	600.00
17	ასფალტის საფარის და გრუნტის ამოჭრა ხის დასარგავად.	X	X	X	ორმო	30	1	10.00	300.00
18	თხრილის მოწყობა ბორდიურის ბუჩქების დასარგავად	X	X	X	გრძ.მ.	80	1	10.00	800.00
19	ნიადაგის ნოყიერი ნაზავის (იხ. პარამეტრები, დანართი N2) შეტანა ორმოში	X	X	X	კუბ.მ	16.25	1	60.00	975.00
20	ორმოს ამოღების შედეგად წარმოქმნილი ნარჩენების გატანა (დაუყონებლივ)	X	X	X	კუბ.მ	32.585	1	4.99	162.60
	ჯამი II თავის მიხედვით								17217.60
	თავი III - ლოტში შემავალ ტერიტორიებზე წყლის დანახარჯი								
21	მოსარწყავი წყლის დანახარჯი	X	X	X	კუბ.მ	80		5.08	406.40
22	მორწყვისთვის ავტოწყალმზიდის მომსახურების ხარჯი	X	X	X	კუბ.მ	80		15.00	1200.00
	ჯამი III თავის მიხედვით	X	X	X					1606.40
	სულ ჯამი I თავის, II თავის და III თავის მიხედვით								75 924.00

შემსყიდველი:

დავით კირკიტაძე

მიმწოდებელი:

გოგიტა ფალავა

დანართი N2		მისაწოდებელი მცენარეების ნიმუშები			
N	დასახელება	არანაკლებ CLT	გარემოწერილობა არანაკლებ CIRC სმ	სიმაღლე არანაკლებ (მ)	ნიმუში
1	აღმოსავლური ჭადარი („Platanus orientalis“) - სიმაღლე არანაკლებ 4.0 მ.; მთავარი ღერო სწორი ფორმის; ვარჯის დიამეტრი არანაკლებ 0.7 მ; ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.80 მ სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც უნდა იყოს ყველა მხრიდან სიმეტრიულად განვითარებული. ფესვის ყელიდან 1მ სიმაღლეზე გარშემოწერილობა არანაკლებ 0.2 მ	CLT – 110	20	4.0	
2	ამბრის ხე („Liquidambar styraciflua“) - სიმაღლე არანაკლებ 3.5მ.; მთავარი ღერო სწორი ფორმის. ღეროს გარშემოწერილობა (circ) არანაკლებ 0.2 მ. ფესვის ყელიდან 1 მ. სიმაღლეზე. ვარჯის დიამეტრი არანაკლებ 0.7 მ. ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.5 მ. სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული.	CLT - 90	20	3.5	

3	უნგრული ცაცხვი („<i>Tilia tomentosa</i> „brabant“) - სიმაღლე არანაკლებ 3.5მ.; მთავარი ღერო სწორი ფორმის; ღეროს გარშემოწერილობა (circ) არანაკლებ 0.2 მ. ფესვის ყელიდან 1 მ. სიმაღლეზე; ვარჯის დიამეტრი არანაკლებ 0.7 მ; ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.8 მ. სიმაღლეზე; ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული.	CLT - 90	20	3.5	
4	ნეკერჩხალი (ლეკა) კულტივარი 'Crimson King' („<i>Acer platanoides</i> 'Crimson King“) - შტამბის სიმაღლე არანაკლებ 1.80 მ., ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული. ფესვის ყელიდან 1მ სიმაღლეზე გარშემოწერილობა არანაკლებ 0.2 მ	CLT - 110	20	3	
5	მინდვრის ნეკერჩხალი („<i>Acer campestre</i>“) - სიმაღლე არანაკლებ 3.5 მ.; მთავარი ღერო სწორი ფორმის. ღეროს გარშემოწერილობა (circ) არანაკლებ 0.2 მ ფესვის ყელიდან 1მ სიმაღლეზე. ვარჯის დიამეტრი არანაკლებ 0.7 მ. ვარჯის განტოტვა უნდა იწყებოდეს მცენარის ფესვის ყელიდან არანაკლებ 1.80 მ სიმაღლეზე. ვარჯს უნდა გააჩნდეს არანაკლებ 6 თანაბრად განვითარებული ტოტი, რომლებიც ყველა მხრიდან უნდა იყოს სიმეტრიულად განვითარებული.	CLT - 90	20	4	

6	ბურთის ფორმის იაპონური კვიდო („Ligustrum texanum japonicum - (ball)“) - ყველა მხრიდან სიმეტრიულად განვითარებული.	CLT - 70	X	1	
7	ბურთის ფორმის მარადმწვანე ძახველი („Viburnum tinus (ball)“) - ყველა მხრიდან სიმეტრიულად განვითარებული.	CLT-70	X	1.5	

დეკორატიული ხეების დარგვისთვის საჭირო დამხმარე მასალები

№	აღწერილობა	ნიმუში
1	<u>მცენარის დასამაგრებელი ხის ჭიგო</u> (ჭიგოს სიმაღლე არანაკლებ 2 მ; დიამეტრი არანაკლებ 6 სმ, სწორი ფორმის (დაზუმფარებული). დიამეტრი იანგარიშება ჭიგოს იმ ნაწილში, სადაც ყველაზე წვრილია; შემსყიდველის მიერ მითითებულ ადგილზე მიტანა;	
2	<u>კანაფის თოკი</u> (D=მინ 8 მმ);	

ორგანული სუბსტრატის პარამეტრები

ქიმიური თვისებები

№	შემაღგენლობა	განზომილება	MIN.	MAX.
1	მოძრავი აზოტი N	მგ/კგ	70	160
2	მოძრავი ფოსფორი P2O5	მგ/კგ	25	90
3	გაცვლითი კალიუმი K2O	მგ/კგ	250	600
4	არეს რეაქცია PH	ph	6	7,5
5	კარბონატური CaCO3	%	0	5
6	ჰუმუსი	%	4	8

მექანიკური შემაღგენლობა

1. ფხვიერი მასა, უნდა იყოს გაცრილი, არ უნდა ერიოს ქვები
2. ნოყიერი ნიადაგი 40-60%
3. ორგანული მასა 10-30%
4. მდინარის ქვიშა, 0-5 მმ ფრაქცია 10-20%



მიმწოდებელი ვალდებულია ყველა მომსახურე პერსონალი საკუთარი ხარჯებით უზრუნველყოს მოცემული ესკიზის იდენტური სპეც. ტანსაცმლით (ნახევარ-კომბინიზონი, ქურთუკი ზურგზე წარწერა - „გაამწვანე შენი ქალაქი“, კეპი, მაისური ზურგზე წარწერა - „გაამწვანე შენი ქალაქი“ გამოსახულებით, საწვიმარი ლაბადა ზურგზე წარწერა - „გაამწვანე შენი ქალაქი“ გამოსახულებით, ასევე ხუთთითიანი სამუშაო მორეზინებული ხელთათმანი), ხოლო დაზიანების ან ცვეთის შემთხვევაში ჩაანაცვლოს ახლით.